

fordidéz chez eux , excepté les gentils hommes, lesquels y sont magnifiques & genereux, & les citoyens des villes , qui sont mieux ciuilisez & appris que la populace.



DV PAYS D'AVVERGNE
& places y comprises.



Vuergne estoit iadis region separee & faisant vn peuple particulier à soy, depuis que les Romains la subiuguérét. Elle est mise au denóbrement de l'Aquitaine, à cause qu'elle est entre Loire & la Garonne.

Ce país est diuisé en haut & bas. Celui qui est en la Cápaigne
s'a-

s'appelle Limaigne, & l'autre la haute Auuergne.

Le païs d'Auuergne est limité au Leuant du païs de Forest & Lionnois, & est posé vers le Midi entre Vellay & Geuoudan, au Septentrion il est enclaué entre le Bourbonnois, & la Marché Limosine: comme encor le haut Limosin lui sert de limites à l'Occident.

Les Auuergnats sont vrayz Gaulois d'origine, sans rien dissimuler, & à presét composez du sang Goth & Romain.

L'an cinquiesme du regne de Childebert, la region des Auuergnats fut affligée, & tourmentée de grands & estranges deluges: de sorte que par l'espace de douze iours, il ne cessa d'y plouuoir abondamment; & le fleue de Lyman desborda tellement, qu'il empescha plusieurs d'en-

480 DESCRIPTION,
d'ensemencer leur terre.

Limaigne est la plus fructueuse contree de l'Auuergne, & de tout temps chef des autres, la ville capitale (qui est Clermont) y est aussi posee.

Ce pais est ainsi apellé, selon l'aduis de quelques vns, du limon & terre grasse, ou comme viennent les autres, du mot *Alimonia*, qui signifie nourriture; à cause de sa fertilité, ou finalement est dicté Limaigne, à cause du fleuve Liman, qui se rend dás celui d'Allier.

DE LA VILLE DE
Clermont.

CLermont est la capitale d'Auuergne fort renommee, belle & de grâde antiquité, & s'appelloit, anciennemét Gergonie, &c.

& estoit de beaucoup plus grande estenduë qu'elle n'est à present: comme l'on void par les ruines & vestiges des antiques bastiments, qui encor apparoissent demie lieüe à l'entour, comme medailles de routes especes de metaux, colonnes, chapiteaux, cornices, & bases de colonnes anciennes.

Or ceste ville est située aubout du plat país sur le haut d'un costau, d'où sortent plusieurs ruisseaux.

Non loin d'icelle, sçavoir apres de la cité, qui est séparée de la ville, on a trouué plusieurs antiques tombeaux, entre lesquels y en auoit vn, sur lequel estoient ces mots.

IVLIA PAVLINA TITI LABIENI VXOR.

Au lieu où sont ces vieilles ruines, & où estoit proprement
la

*Vou-
fies
soub
terrai
nes.* la cite de Gergonie , l'on void
encor des voustes soubsterrai-
nes, par lesquelles on pouuoit
aller plus d'une lieue soubter-
re , mais avec clarté. On n'y
peut aller à present, à cause que
l'eau y degoute du haut du roc.
En ce lieu on tient qu'estoit cam-
pé Cesar: mais quelques vns sont
d'opinion qu'il estoit faict au pa-
rauant.

L'eglise cathedrale de Cler-
mont est dediee à l'honneur de
la vierge Marie , & fut premie-
rement bastie par S. Marcial.
Le premier Euesque de Cler-
mont fut S. Austremonie, qui
fut disciple de nostre Seigneur.

Le quatorziesme Euesque de
ce lieu fut S. Sidonie Apolinaire,
tresdocte personnage, du temps
des Gots.

Au deuant de la maison Epi-
scopale de Clermont on void
vne

DE LA FRANCE. 483

vne des plus belles fontaines de
Gaule , laquelle est conduicte
d'vn lieu nommé Royac, qui est
comme vne source, des ruisseaux
& fontaines arrosans la ville, &
le pais voisin.

*Belle
fontai-
ne à
Cler-
mont.*

Ily a des Conuents de Iaco-
pins, Cordeliers & Carmes. Il
ya en outre vne Eglise nommee
nostre Dame du Port, premiere-
ment fondee par S. Auit, destrui-
te par les Normands, & reba-
stie par Sigon Euesque d'Auuer-
gne.

Au dessous de ceste Eglise y
en a vne sous-terrine, aussi
grande & spatieuse que celle
d'en haut. Ily a plusieurs au-
tres belles Eglises, & vn som-
ptueux Hospital fondé par Guil-
laume du Prat Euesque de Cler-
mont.

En outre est vne belle Abbaye
de S. Allire qui estoit cinquiesme
Eues-

Euésque d'Auuergne.

Ces Monasteres iadis estoins enclos dás la ville, mais les guerres ayás tout ruiné, de temps en réps, la ville a esté mise & reduite en plus petit circuit; & sont à presét ces Eglises & Monastereshors de l'enclos.

En l'Abbaye de S. Allire est le tombeau de deux amans, dont Gregoire de Tours faict mentiõ au liure de la gloire des Confesseurs.

*Mer-
ueil-
leux
Pont
de pi-
erre
natu-
relle* Au dedans de ceste Abbaye passe vn fleuue iadis nommé Scaeton, maintenant Tireraine, sur lequel est vn merueilleux Pont de pierre naturelle faicte de l'eau d'vne fontaine, qui s'endurcit en pierre, non sans estonnement des grands & admirables effects de nature; laquelle fontaine est loin de la iusdicte riuiera de 300. pas.

Le

Le susdict pont a trente brasses
de longueur & six d'espoisseur,
& huit de large.

Ceste fontaine est dicte Saul-
se, & est allumineuse, & depend
de l'Abbaye, qui est fort magni-
fique, ayant de belles tours &
deffences, comme vn chasteau;
& y sont plusieurs colonnes, se-
pulchres, & Autels de marbre,
& de iaspe, de diuerses couleurs
à la Mosaïque. En icelle est la cha-
pelle de s. Venerád, où reposent
les corps de plusieurs martyrs &
saincts personnages.

Aux fauxbourgs de Cler-
mont sont encor le Prieuré de
S. Bonnet, & hors la porte S.
Pierre, vn Monastere de Religi-
euses, & vn vieil edifice, nom-
mé la tour des Sarrazins. En vn
autre faux-bourg est l'Abbaye
de S. André, iadis Prieuré, où
est vn tombeau clos & couuert
d'vn

d'un cuir rouge, qui est plein d'os, d'une desmesuree grandeur; & tient on que ce sont les os des premiers fondateurs de ce Prieuré.

Non loin de ceste place est le village de Chamailles, iadis fauxbourg de l'ancienne cité d'Auvergne, où il y a vne Eglise fort ancienne dediee à nostre Dame, & fondée par S. Tecl. En outre est le Prieuré S. Marc, en vn yallon; où il y a deux bains, l'un d'eau calcineuse, l'autre de sulphuree, & au dessous vne fontaine, ayant goust de vin, mais fort mauuaise à boire. A Chamailles est encor vn vieil chasteau, que l'on diét auoir esté à Gannelon.

Bains
sals-
taires

A Clermont se faiét du meilleur papier de France tant à escrire qu'à imprimer.

Deux Conciles ont esté tenus
a Cler-

De v
a Clerm
Yanden
aliter
Gale,
grace m
l'author
if du L
Les
te vill
me l'a
quatre
Pres
monat
ecom
u poss
E L
D Tou
ma
ne diét
u la

DE LA FRANCE. 487

a Clermont, l'vn Prouincial, en l'an de nostre Seigneur 540. où assisterent quinze Euesques de Gaule, l'autre general, l'an de grace mil nonante cinq, par l'authorité du Pape Urbain 5. natif du Limosin.

Les Estats furent tenus en ceste ville sous Charles cinquiesme l'an mil trois cents septante quatre.

Pres Clermont est vne petite montaigne où le bithume coule comme d'une fontaine, noir au possible & gluant.

DE LA VILLE DE RION,
& autres.

Rion deuxiesme ville de Liguaigne, est riche & opulente dicté en latin *Reoticum*, située en la fertilité du pays, en la

laquelle y a Cour de Presidiaux, establie par Henri 2. du nom, & est la Seneschauffee du bas Auvergne.

Du presidial de Rion dependent les sieges de Montferrand, vne des belles villes d'Auvergne: où il y a Cour de generaux pour les Finances; Apres sont encor Combraille, Môtaiigu, Aigueperse, & Montpensier appartenant à la maison de Bourbon.

Les autres villes de Limaigne sont Bilhon, & Yffoire, Brioude, Anzeon, Langheac, S. Germain, S. Lambró, Aigueperse, Eubreusle, S. Pourfain & Cuffet, qui sont avec les susnommees treze villes en nombre; sans d'autres villes & gros bourgs, villages, & chasteaux, appartenants à plusieurs grands Seigneurs, comme Montaigu, Mommorin, Monguaçon, Entragues, Chuze-
son,

ron, Randan, Ravel, Fontanilles,
& autres.

La source du fleuve Allier est
quatre lieues au dessous de Bri
sonde, & passe pres d'Vson, où
l'on trouue vne belle mine d'or
& d'azur.

LA haute Auvergne a pour vil
le capitale S. Flour, qui est vn
Bailliage & siege presidial, situee
sur vn haut lieu esleué, & entaillé
tout à plomb.

C'estoit iadis vn Prieuré fondé
par les Sieurs de Bresons. L'an
mil trois cents deux S. Flour
fut erigé en Euesché par le Pape
Boniface 8. L'autre ville prin
cipale de la haute Auvergne est
Orilhac, qui est vn siege ancien
du Bailliage, & ya Cour de pre
sidiaux, d'où dependent les sie
ges d'Orilhac, S. Flour, Carlat,
& Murat, avec les villages de
Sal-

Sallers, Mauriac, S. Martin de Marmarons, & autres, qui n'ont autre trafic que du bestail qu'ils nourrissent.

Les montaignes de Cantal en Auuergne, sont perpetuellement chargees de neiges à cause de leur hauteur.

Pont Gibaut est vne petite ville à quatre lieuës de Clermôt, ayant pres d'elle vn village nommé Rore; là est vne mine d'argêr abondante.

Dome est vne montaigne fort plaisante, à vne lieuë de Clermont, & des plus hautes de la France, fertile en pasturage, & simples autant exquis que Medecin pourroit souhaiter: au sommet de laquelle on void encor plusieurs ruines & fondements, qui font paroistre qu'il y eut iadis quelques sumptueux bastiments: Il y a aussi les
mon-

montagnes de Frumental, la Verdine & le Girene.

Pres du mont de Cosme, lequel est aussi fort estimé, est vn lieu nommé la Cherre, où est vne fontaine, qui est glacee durant les plus grandes chaleurs de l'esté; & lors que l'hiuer est plus violent, elle desgele, & est chaude, sortant d'icelle des fumées & exhalations, comme d'vne fournaise.

D'où

sort

la

Dor.

dōne.

Le mont Dor abonde en fontaines, de l'eau desquelles sort la riuere de Dordonne. Il y a des bains fort salutaires en ceste montagne.

Pres ce mont est la ville de Besse, à demie lieuë de laquelle on void vn lac de grande estendue, & presque au sommet d'vne montagne, duquel on n'a peu trouuer le fonds, & est fort admirable à voir, & encor plus

effroyable, car si l'on iette quel-
que pierre dedans, on se peut
tenir bien tost assureé d'auoir du
tonnerre, des esclairs, pluyes, &
grefles.

Non loin de là est vn creux
ou abisme nommé Soucis, rond
à son ouverture, sans fonds qu'o-
ayep peu trouuer, presque pareil
au precedent.

En ce païs est la Chapelle de
Voisinières, où se font de grands
miracles.

Il y a aussi en ce pays vne fon-
taine dicte Vichy, l'eau de la-
quelle est naturellement chau-
de, iettant sans cesse de gros &
assidus bouillons, d'où vient
qu'aupres y a des bains souue-
rains en Aueil, May & en Septem-
bre.

A chaudes Aigues, qui est dix
lieuës de S. Flour, y a de pareils
bains & fontaines.

A Roche Dagou, qui est aussi dix lieuës de Clermont en vn village ainsi apellé, se trouuent des pierres pareilles au diamant & fort admirables.

Au bas des montaignes qui tirent vers Limgne, est vn estang nommé Montœil Dege-
 lar, du nom d'vn village où il est, ayant des sablons, & arenes *Sablons dorez en vn estag.*
 luifans comme or limé, duquel les financiers se seruent sur leur escriture. L'eau duquel estang est tresclaire.

Le païs d'Auuergne est illustré des Abbayes qui s'ensuiuēt la Chaize Dieu, S. Allire, S. André, Mont-peiroux, le Bouchet, Mauriac, Champoing, S. Gilbert, Ebruesle, Tiers, Yssoire, Menat, Maulieu, Feniers, & Bel-
 laigne.

Les Religions des Dames sont; Cusset, Beaumôt, Lauoine,

Megemôt, Lesclache, Corpierre.

Les Prieurez plus fameux sont
Saeuillanges, S. Pourfain, les Ce-
lestins, Augerolles, Montferrád,
Sauuigni, de Ris, Cullat, la Char-
troufe, & Moiffac.



DV PAYS DE BOVR-
BONNOIS.



Pres' Auuergne
viennét les Bo-
yes (maintenât
Bourbonnois)
fort renómez,
lesq̄ls avec les
Cenomans, ou
Manceaux, donterent iadis les
Toscás, s'emparans de leurs Sei-
gneuries, & establissans vne de-
meure perpetuelle en Italie, qui
est maintenant nommee Romai-
gne,